

Mas datos mester keda compila

# DIFICIL PA BISA PAKICO VENTA DI CORIENTE A BAHÁ

ORANJESTAD(AAN)—  
E venta di coriente, mane-  
ra registra pa Elmar, a  
baha poco aña pasa y a  
sigui baha durante e pro-

mer dos lunanan di e aña  
aki. Ta dificil pa establece  
directamente pakico e con-  
sumo a baha, segun señor  
Freddy Wever di e compa-

nia di distribucion di  
coriente, kende a mostra  
DIARIO cu no por bisa sin  
mas cu menos coriente ta  
ser usa pasobra e venta a

baha.

Cierto circunstancia-  
nan mester ser teni na  
consideracion na momento  
cu ta bay analiza baho den  
venta di coriente. Asina  
por ejemplo aña pasa  
mester a tene cuenta cu  
Hotel Aruba Caribbean a  
wordo cera, loke a encera  
cu e venta di coriente na e  
hotel tambe a cay afor.

Esey ta significa un  
porcion considerable di e  
electricidad cu ta wordo  
distribui diariamente. Si  
algun cas cay afor no ta  
tan impactante manera  
ora un hotel ya no ta haci  
uso di coriente.

Pa loke ta trata e hecho  
cu uso di coriente a baha  
na Januari y Februari,  
mester bay tene cuenta cu

por ejemplo tabata trata  
di dos luna mas frio, y  
normalmente durante e  
dos lunanan aki, menos  
uso ta wordo haci di elec-  
tricidad.

Tur esaki por ta motibo  
pa e caida den venta, aun-  
ke experiencia ta siña cu  
sempre cu prijs subi, e ta  
wordo directamente acom-  
pañá pa un caida den ven-  
ta.

Ariba e pregunta cu si  
esaki no ta significa cu e  
menos venta, cu gasto  
igual, ta haci cu e entrada  
real ta baha di tur forma,  
señor Wever a mostra cu  
medidanan cu wordo tuma  
no ta di Elmar, cu mester  
di tempo pa bay determi-  
na fijamente pakico venta  
a baha.

## EXTRANJERO LO NO POR DIRIGI ESSO PETROLERO

ORANJESTAD(AAN)—  
E extranjero cu segun plan  
di Exxon mester dirigi  
Esso Petrolero conjunta-  
mente cu e oficinanan di  
venta di e compania na  
Surinam, por realiza e la-  
bornan aki na forma  
ambulante, pero no por  
establece su mes na Aruba.

Informenan clave cu  
DIARIO a ricibi a mostra  
cu tanto Bestuurscollege  
como Gezaghhebbber como  
Jefe Local di Polis a bisa

Exxon cu mester tene  
cuenta cu e disponibili-  
dad di hendenan local pa  
traha e trabao di dirigente  
di Esso Petrolero.

A ser muestra cu si ta  
trata di un compania gran-  
di manera Lago, cu mester  
di un Presidente, ta otro  
asunto comoquiera cu e ta  
regarda un manejo total di  
un compania grandi. Den  
e caso aki ta trata di un  
compania chikito cu por  
wordo dirigi pa uno di e

tantisimo personanan cali-  
fica cu ta presente na  
Aruba.

Esey ta implica pues  
cu dificilmente e Surina-  
meño cu ta dirigiendo  
e oficinanan di Exxon na  
Surinam por haya permiso  
pa dirigi Esso Petrolero na  
Aruba na un forma perma-  
nente, y e unico forma  
pa un que otro tuma  
lugar ta, si Exxon dicidi  
cu e oficina ta wordo  
opera for di Paramaribo.

## NA JULI PROBLEMA CU METERNAN DI AWA LO KEDA RESOLVI

ORANJESTAD(AAN)—  
Ainda tin problema den e  
registro di consumo di  
esta lezamento di meter-

nan na casnan. E informe-  
nan obteni pa medio di e  
meter mester keda sumini-  
stra na e centro di compu-

tacion pa e recibonan  
wordo compila.

E Jefe di WEB, Ing.  
Arsenio Yarzagaray, a bisa  
DIARIO, cu cierto desaro-  
yonan ta pone cu a veces  
no por termina e labornan  
necesario na tempo loke  
ta resulta den e hecho cu  
mester yega na un formu-  
la di parti e periodo na  
dos pa cobra consumidor-  
nan.

Den tal caso ta coy e  
meter ariba 35 dia y repar-  
ti e cifra na dos. Pero  
esey ta significa cu un  
periodo lo sali mas alto  
cu otro.

E problema ta hayando  
atencion y ta ser spera  
cu pa Juli e problema lo  
keda soluciona pa asina  
e registro di consumo real  
di awa por keda regla.

## COMPRA DI AZETA CU PAGO ADELANTA

ORANJESTAD(AAN)—  
Compra di combustible pa

e planta di awa y electrici-  
dad di Aruba mester bay  
na forma di pago adelanta.

## GEZAGHEBBBER TA KEDA TE FIN DI AÑA

ORANJESTAD(AAN)—  
Rumornan ta sigui circula  
cu Gezaghhebbber señor  
Pedro Bislip proximamen-  
te lo bay entrega su retiro.

Atrobe e promer man-  
datario a refuta e rumor-  
nan aki y a bisa DIARIO  
cu e tin tur intencion di  
cumpli cu su termino  
te fin di aña.

Ora e baha como  
Gezaghhebbber e ta libre pa  
haci cu su tempo manera  
ta su deseo, e Gezaghhebbber  
a bisa DIARIO oficialmen-  
te ayera, refutando un can-  
tidad di rumor.

**BIG AND BEAUTIFUL**

A caba di ricibi Bunita Traje di Baño (Zwempak)

Den size grandi !!

Nos ta habri di dialuna pa diabierna

di 10 te 7 p.m.

y diasabra di 9 te 5 p.m.

Mozartstraat 8(Klip) Tel: 22022



**LADA 1200**  
ANTES FLS. 8000,00  
**Awor FLS. 7000,-**



**LADA 1300**  
ANTES FLS. 9000,00  
**Awor FLS. 8000,-**



**LADA Station Wagon**  
ANTES FLS. 8.375 **Awor FLS. 7375,-**

**ARUCAR N.V.**

**ALWAYS The Best.**

- SERO BLANCO 35 -

TEL: 21208/23055